

**CAPU TERZU**  
**GIUNTA COMUNALI**

**Art. 25**

**Giunta comunali**

1. Sa Giunta collaborat cun su Sìndigu atuai su programa de governu aprovau de su cunsillu e adotat totu is atus po arribai a is obietivus e atuai is finalidadis de s'Enti, in su quadru de is indirizus, de is programas e po atuai is atus fundamentalis aprovaus de su cunsillu. In particolari, sa Giunta esercitat is funtzionis de indirizu politìgu-aministrativu definendi is obietivus e is programas de atuai e adotendi is atrus atus chi faint pati de su svolgimentu de custas funtzionis, verificat chi is risultaus de s'atividadis amministrativa e de sa gestioni arrespundant a is indirizus donaus.
2. S'atividadis de sa Giunta si basat asuba de principius de collegialidadis, de trasparenza e de eficientza. Is Assessoris podint, cun dèlega de su Sìndigu, èssiri incarrigaus in varias areas de s'Aministratzioni comunali.
3. Sa dèlega donat a su delegau is responsabilidadi collegadas a is funtzionis cunferidas cun issa e totu e podit èssiri revocada in dogna momentu de su Sìndigu.
4. Est Vice-Sìndigu s'Assessori chi otenit de su Sìndigu una delega generali de totu is funtzionis chi ddi spetant.
5. Est Assessori antzianu s'Assessori, prus antzianu de edadi. S'Assessori antzianu in casu de assentza o impedimentu siat de su Sìndigu chi de su Vice-Sìndigu, esercitat is funtzionis chi sostuiscent de su Sìndigu.

**Art. 26**

**Compositzioni e nòmina**

1. Sa Giunta est cumposta de su Sìndigu e de cuatrus assessoris, e unu est in carriga cumentis Vice Sìndigu.
2. Is assessoris funt sceraus tra is cunsilleris. Podint èssiri nomenaus assessoris esternus a su cunsillu bastit chi tengiant requisitus de elegibilitadi e tengiant particolari cumpetentzia e esperientzia tecnica, amministrativa o professionali.
3. Is assessoris esternus podint participari a is sézidas de su cunsillu e intervenint in sa discussioni ma no tenint diritu de votu.

**Art. 27**

**Causas de incompatibilitadi e inelegibilitadi**

1. Is causas de inelegibilitadi e incompatibilitadi, sa positzioni giuridiga, su status de is membrus de s'organu e is institutus de sa decadèntzia e de sa revoca funt disciplinaus de sa lei.
2. In prus de is casus de incompatibilitadi previstus a su coma unu, no podint contemporaneamente fai pati de sa Giunta su coniugi, is ascendentis e is discendentis, su chi adotat e su chi est adotau, is fradis, i coniugis e is afinis de primu gradu.
3. No podint fai pati de sa Giuntasu coniugi, is ascendentis, is discendentis, is parentis e is afinis finztas a su terzu gradu de su Sìndigu.
4. Chi est steti assessori po dusu mandaus de s'ghida, podit èssiri torrau a nomenai in custa carriga in su mandau chi s'ghidi.

**Art. 28**

**Revoca, dimissionis, decadèntzia**

1. Su Sìndigu podit revocai e sostituiri unu o prus Assessoris donendi comunicatzioni motivada a su

cunsillu comunali in sa prima sezida utili.

2. Is dimissionis de is Assessoris funt presentadas po iscritu a su Sìndigu e tenint eficacia de candu funt acetadas.

3. La Giunta decadit: in casu de dimissionis, impedimentu permanenti, rimotzioni, decadentzia o decessu de su Sìndigu. Sa Giunta abarrat in carriga fintzas a sa dì de sa proclamatzioni de is eletus in ocasioni de su rinovu de su cunsillu comunali.

#### **Art. 29**

##### **Funtzionamentu de sa Giunta**

1. Sa Giunta est convocada e presidia de su Sìndigu ca stabilit s'òrdini de traballus po sa dì tenendi contu de is argumentus propositus de dogna Assessori.

2. Sa modalidadi de convocazioni e di funtzionamentu funt stabilidas de sa Giunta e totu.

3. Po assentza o impedimentu de su Sìndigu presidit su Vice-Sìndigu. Po assentza de totu is dusu sa presidentza est assumia de s'Assessori antzianu.

#### **Art. 30**

##### **Atributzionis**

1. Sa Giunta collaborat cun su Sìndigu in s'aministratzioni de su Comune e operat po mezu de deliberatzionis collegialis.

2. A sa Giunta comunali cumpetit s'adotzioni de totu is atus de aministratzioni chi no funt atribuidus de sa lei e de custu Statutu a sa cumpetentzia de su cunsillu, de su Sìndigu, de su Segretariu, de is dirigentis e de is funzionarius.

3. Sa Giunta svolgit is funtzionis de cumpetentzia sua cun provedimentus deliberativis generalis chi usat po indicai su scopu e is obietivus persighidus, is mezus idoneus e is criterius chi ant a deppi sighiri is uficius in s'esercitziu de is suas cumpetentzias gestionalis e esecutivis atribuidas de sa lei e de su Statutu.

4. Sa Giunta, segundu s'invitu de s'articullu 32 utimu capoversu de su penutimu puntu, podit formulai, in s'interessi de su Comune, diretivas generali o relativas a una controversia.

5. Segudu su sucessivu articullu 32 utimu puntu, is componentis de s'organu esecutivu tenint sa responsabilidadadi de is uficius e de is servitzius e su poderi de adotai puru atus de natura tecnica gestionali.